



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Canonem Sacrificii Missae, Vti & reliquas eiusdem
Partes Brevis Ac Lvcvlenta, & ad pietatem vtilis Expositio**

Veken, Frans van der

Coloniae, 1644

§ 2. De Consecratione Corporis Christi

urn:nbn:de:hbz:466:1-9878

tis oculos maximè in Christum totamq;
Sanctissimam Trinitatem omnia intu-
entem intendat, & ab occulto præcone
(Angelorū scilicet assistentium aliquo)
illud sibi inclamari intelligat, *Hoc age.*

§. II.

De Consecratione Corporis Christi.

Quid porrò Sacerdoti agendum
in Consecratione panis, præscri-
bitur verbis sequentibus, qui pridie
quām pateretur, &c. Quorum alia præ-
ambula sunt ad Consecrationem, & à
Sacerdote proferuntur historicè & re-
citatiuè: alia vim Consecrationis con-
tinent, atque etiam personaliter & e-
nunciatiuè dicuntur. In historicis re-
fertur, quo pacto Dominus noster hoc
Sacrificium instituerit, Patriq; obtule-
rit in vltima Cœna: ut inspiciat Sacer-
dos, & faciat secundùm exemplar; idq;
tam perfectum & singulare, ut ad imita-
tionem, neque quoad oculos & manus,

neque

neq; quoad verba quicquam desideratur. Per consecratoria Sacrificium peragitur: vtraq; compendio explicanda.

Priorum initium est, qui pridie quam pateretur: Is namq; dilectissimus Patris Filius Dominus noster IESVS Christus, cuius sub finem prioris orationis me minimus, apud Patrem: is, inquam, pridie suæ Passionis, cum aduersus eum paratemus vincula, flagella & Crucem, paravit nobis salutarem hanc mensam, hostiamq; instituit, que non cetera tantum scelera, sed immane etiam illud aduersus ipsum sacrilegium, & plus quam paricidium expiaret. Accepit autem panem, ut disceremus hanc victimam haud minus animabus fore necessariam utilemque, quam corporibus panem: in sanctas & venerabiles manus suas: ex quarum solo cotta eti nobis venerationi esse debet, etiam si maiora abessent mysteria. Et elevatis oculis in cœlū, tū ut doceret nos vniuersas animæ nostræ cogitationes & vires, dum hæc geruntur, à terra in-

co-

3101

cœlum transferre; tum etiam ut tanti operis, quod erat patraturus, primam causam authoremq; agnosceret *Patrem suum Omnipotentem*, quem esse in cœlis, dicere nos & cogitare in Oratione sua docuerat. Deinde præmissâ *gratiarum actione*, quam alias quoque ante insigniora miracula præmittere consueuerat, ut in multiplicatione panum, & Lazarî resuscitatione, *Benedixit*, siue consecrando, ut aliqui volunt, siue potius bene precando, & diuinam omnipotentiam super panem inuocando, ut præsto esset, & iam & futuris Sacerdotum consecrationibus. Post hæc fregit panem, vel iam consecratum, vel potius mox consecrandum, deditq; discipulis suis, dicens: *Accipite, & mandate ex hoc omnes.*

- HOC EST ENIM CORPVS MEVM.

Hæc tandem miranda potentissimaq; sunt verba, quibus in persona Christi à Sacerdote prolati, cœli fores aperiuntur, & annuente aeterno Genitore

tore è sinu eius Vnigenitus descendit:
atque ille Rex gloriæ desideratus cun-
ctis gentibus, quem cœli cœlorum ca-
pere non possunt, in ara se sistit, & sub
exiguæ hostiæ inuolucris, inter Sacer-
dotis manus collocatus amabilissimo
ore totiq; humano generi propitio di-
cit, *Ecce adsum*. Est quidem solum
Christi Corpus, cuius præsentiam spe-
ciali iure ad sui veritatem sacra verba
deposcunt: sed illud arcano nexu, au-
reâque veluti catenâ, & diuinissimum
Sanguinem, & sanctissimam Animam,
atque ipsam Diuinitatem, omnesque
cœlorum delicias & gratiarum thesau-
ros secum trahit.

Non est animus veritatem hanc Ca-
tholicam à sanctis Euangeliis *a* com-
memoratam, & à D. Paulo *b* repetitam
pluribus demonstrare, aut contra No-
uatores propugnare: *procul profani*
à tantis mysterijs, vel ut sacrâ magis
for-

a Mat. 26. Marc. 14. Luc. 22.

b 1. Cor. 11.

formulâ utar, foris canes a. Neque prae-
sentis est instituti, vt scholastica subtili-
tate mirabilem illam transsubstantia-
tionem & sacramentalem praesentiā, D
E
ti
la
b
ra
h
q
r
a
la
p
n
d
r
V
aliorumque; mirabilium memoriam, que
in hoc Sacramento abscondita sunt,
perscrutemur: magis amat ad aras no-
ster Redemptor simplicem fidei ocu-
lum , quam sublimum speculatorem
intellectum. Primum igitur hoc obse-
quium Christo Domino suâ nos prae-
sentiâ dignanti exhibeamus: credamus
simpliciter verbis eius , eaque; *in illa pro-
pria & apertissima significatione, quam*
*vt Tridentinum loquitur b , prae se fe-
runt, & secundum quam à Patribus in-
tellecta sunt, verissima fateamur. Ideoque*
sepositis fictitijs & imaginarijs tropis,
*hoc , scilicet id quod sub specie panis of-
fertur, (interprete eodem Concilio c ,)*
atque adeo continetur , verè ac re ipsa
esse Christi Corpus , firmissimè
teneamus.

§. III.

a *Apoc. 22.* b *Sess. 13. c. 1.* c *Sess. 13. c. 4.*